

TERCERA CIRCULAR

(7 d'aviento de 2016)

Una vez rematau lo periodo de recepcion de propuestas de comunicacion e **resuelto lo proceso de seleccion d'as mesmas** (lo listau d'o qual puede consultar-se en: <https://historiazgz2017.com/propuestas-de-comunicacion/>), s'ufren las atras precisiones referents a la elaboracion definitiva de comunicacions, dossiers de treball e Scriptoria, asinas como la informacion relativa a es detalles d'inscripcion e ospedage pa lo VI Alcuentro Internacional de JIHC Zaragoza 2017.

En primer puesto, **queda ubierto lo plaço de presentacion de comunicacions, que concluirá lo viernes 21 d'abril** (inclusive). Ditas comunicacions seran tramitadas per duplicau, ninviando-se t'o correu particular de cada Mesa-taller e t'o correu oficial de l'Alcuentro (joveneshistoria2017@gmail.com). En qüestions de formato, edicion e citas bibliograficas, las comunicacions havran a cumplir las normas estipuladas en o documento "Normas de edición y citación" situau en a seccion de descargas, que como s'indica se son adaptadas d'a revista Ayer.

En segundo puesto, **queda tamien ubierto lo plaço de presentacion de dossiers de treball, que concluirá lo viernes 23 de junyo** (inclusive). La elaboracion d'estes dossiers corre a cuenta d'a coordinacion d'as Mesas-taller, las quals, a partir d'as comunicacions recibidas e d'a filosofia d'a suya mesa, composaran un documento de treball que mirará de satisfacer estas tres demandas:

- 1) Sintetizar es contenius d'a suya mesa de manera que qualsquier udient que quiera asistir-ie pueda tener una ideya general sobre lo tipo de comunicacions recibidas.
- 2) Marcar es posibles puntos d'acuerdo e disenso entre las distintas comunicacions, e en base a els plantear uns eixes de debat que s'ajusten a es contenius e objetivos d'a mesa.
- 3) Proveyer, a discrecion d'es coordinadors, toz es materials suplementarios, reflexions u valoracions pertinents pa enriqueir la experiéncia global d'o taller.

Se recuerda que **la elaboracion d'estes dossiers ye obligatoria** pa cada Mesa-taller, e que los documentos resultants seran penjaus pa la suya libre consulta en a web de l'Alcuentro, junto con a resta de comunicacions definitivas. Lo zaguero, es dossiers se redactaran seguindo las mesmas normas d'edicion e formato planteadas pa las comunicacions, sin superar tampoco la extension fixada pa aquellas.

En tercer puesto, es **Scriptoria** tamien tendran que presentar, dentro d'o plaço d'entrega de comunicacions (viernes día d'abril inclusive), informes concernients a lo estau de desenrollo d'es suyos proyectos e la mena d'actividaz previstas pa las

calendatas de l'Alcuentro. Este informe será tamien comunicable en o Blog, e pa la suya realiaçion s'ufren orientacions en a seleccion de descargas, vinclo "Informe Scriptoria".

En materia d'asistència e participacion en l'Alcuentro **s'anuncia una inscripcion unitaria de 15 €** que habrá a realizar-se en l'atra cuenta (**ES 26 2085 0168 5403 0001 0023**) **antes d'o viernes 21 d'abril** (inclusive), baixo pena de tener que pagar un importe adicional de 5 € a partir d'ixa calendata. Lo justificant resultant de pagamento será ninviáu t'o correu oficial de l'Alcuentro (joveneshistoria2017@gmail.com) integrau en o documento oficial d'inscripcion sito en o blog de l'Alcuentro: <https://historiazgz2017.com/descargas/>. Lo pagamento d'a inscripcion compondrá lo dreito a recibir material de treball, diploma d'asistència (en calidat d'udient, comunicant u coordinadora, seguntes corresponda), asinas como l'acreditacion necesaria pa asistir a qualsiquiera d'as actividaz previstas en o marco de l'Alcuentro.

En o que se refiere a manutencion e transporte, dende lo Comité Organizador recordamos que l'ajuste de servicios d'**ospedage** e transporte corren a cuenta de cada participant. Manimenos, pa facilitar ditas gestions ufrimos un documento titulau "Recomendaciones de alojamiento" (tamien en a seccion de descargas), con una série de recomendacions pa trobar ospedage asequible e cercano a lo Campus Universitario de Zaragoza. Atras precisiones, como las relativas a lo **transporte, horario provisional, inclusion u no de minjars e puestos de celebracion** de l'Alcuentro, s'ufiriran a partir d'a publicacion d'a IV Circular.

Se despide atentament,
Lo Comité Organizador.

¹ Pa ingresos internacionals de fuera d'a UE lo codigo Swift ye: **CAZRES2Z**